



Na osnovu člana 53. stav (3) Jedinostvenih pravila i procedura za izradu zakona i drugih propisa Brčko distrikta Bosne i Hercegovine („Službeni glasnik Brčko distrikta BiH“, broj: 1/1?), Odluke o osnivanju Razvojno – garantnog fonda Brčko distrikta BiH (prečišćeni tekst), broj: 05-000376/21 od 11. 6. 2021. godine i Odluke o izmjenama i dopunama Odluke o osnivanju Razvojno – garantnog fonda Brčko distrikta Bosne i Hercegovine, broj predmeta: 05-000376/21, broj akta: 01.11-0323SR-037/24 od 12. 6. 2024. godine, na 67.-oj sjednici održanoj 15. 8. 2024. godine, Upravni odbor Razvojno – garantnog fonda Brčko distrikta BiH, d o n o s i

STATUT RAZVOJNO – GARANTNOG FONDA BRČKO DISTRIKTA BOSNE I HERCEGOVINE

I – OPŠTE ODREDBE

Član 1.

Razvojno – garantni fond Brčko distrikta BiH je pravno lice osnovano kao neprofitna, nezavisna institucija Odlukom o osnivanju Razvojno – garantnog fonda Brčko distrikta BiH (prečišćeni tekst), broj: 05-000376/21 od 11. 6. 2021. godine i Odlukom o izmjenama i dopunama Odluke o osnivanju Razvojno – garantnog fonda Brčko distrikta Bosne i Hercegovine, broj predmeta: 05-000376/21, broj akta: 01.11-0323SR-037/24 od 12. 6. 2024. godine, a na osnovu Zakona o pravnim licima koje osniva Brčko distrikt (U daljem tekstu: Zakona) (“Službeni glasnik Brčko distrikta BiH”, broj: 10/02, 19/07, 02/08, 03/19, 30/20, 10/22, 30/22 i 31/23).

II – NAZIV I SJEDIŠTE

Član 2.

- (1) Naziv ovog fonda je: Razvojno – garantni fond Brčko distrikta Bosne i Hercegovine.
- (2) Skraćeni naziv glasi: „RGFBD“.
- (3) “RGFBD” je dužan da koristi puni ili skraćeni naziv.
- (4) Naziv ili skraćeni naziv ističe se na poslovnim prostorijama “RGFBD”.

(5) "RGFBD" može imati zaštitni znak, idejno – grafičko rješenje koje odobrava Upravni odbor Fonda.

(6) "RGFBD" može promijeniti naziv i sjedište odlukom osnivača.

(7) Sjedište „RGFBD“ je u Brčkom, Brčko distrikt BiH, Cvijete Zuzorić b. b.

Član 3.

(1) "RGFBD" ima pečat okruglog oblika, prečnika 40 mm, u kome je, ćirilicom i latinicom, po obodu ispisan tekst: "Razvojno-garantni fond Brčko distrikta BiH" a u središtu pečata "RGFBD".

(2) "RGFBD" ima štambilj četverougaoanog oblika koji sadrži naziv, a služi za ovjeru prijema akata.

(3) Način upotrebe, čuvanje i broj pečata i štambilja utvrđuje se posebnim opštim aktom.

III – DJELATNOST „RGFBD“

Član 4.

(1) Osnovna djelatnost „RGFBD“ odnosi se na:

- a) odobravanje kreditnih sredstava i njihovo plasiranje,
- b) dodjelu sredstava malim i srednjim preduzećima i preduzetnicima,
- c) ulaganje u papire od vrijednosti,
- d) davanje garancija za kredite malim i srednjim preduzećima i samostalnim preduzetnicima i poljoprivrednicima s ciljem bržeg zapošljavanja,
- e) davanje garancija za kreditiranje u ruralnom sektoru,
- f) drugo kreditno i finansijsko posredovanje,
- g) implementacija razvojnih projekata u Brčko distriktu BiH.

(2) Djelatnosti „RGFBD“ su:

- 64.92 – Ostalo kreditno poslovanje;
- 64.99 – Ostale finansijske uslužne djelatnosti, osim osiguranja i penzionih fondova, d.n.;
- 66.12 – Djelatnost posredovanja u poslovanju papirima od vrijednosti i robnim ugovorima;
- 66.19 - Ostale pomoćne djelatnosti u finansijskim uslugama, osim osiguranja i penzionih fondova;
- 70.22 – Savjetovanje u vezi sa poslovanjem i ostalim upravljanjem;
- 73.20 – Istraživanje tržišta i ispitivanje javnog mnijenja;
- 74.90 – Ostale stručne, naučne i tehničke djelatnosti, d.n..

Član 5.

"RGFBD" može promijeniti djelatnost odlukom osnivača.

Član 6.

Područje djelovanja "RGFBD" je Brčko distrikt BiH.

IV – AKTIVNOSTI „RGFBD“

Član 7.

(1) „RGFBD“ se osniva u svrhu implementacije razvojnih projekata, programa i davanja garancija za kredite malim i srednjim preduzećima i samostalnim preduzetnicima na sljedeći način:

- a) davanje garancija za kreditiranje razvoja malih i srednjih preduzeća i samostalnih preduzetnika,
- b) davanje garancija za kreditiranje u ruralnom sektoru.

(2) “RGFBD” daje kreditne garancije kreditno sposobnim klijentima koji ispunjavaju uslove za dobijanje kredita od partnerskih kreditnih institucija, a koji ne mogu ponuditi zahtjevane kolaterale.

(3) “RGFBD” će implementirati razvojne projekte na području Brčko distrikta BiH, odobravati subvencije na kamate po programima koje odobri Vlada i Skupština Brčko distrikta BiH.

V – CILJEVI „RGFBD“

Član 8.

Ciljevi „RGFBD“ su:

- a) udovoljiti visokoj potražnji za kreditom među ruralnim stanovništvom kao i kreditima za razvoj malih i srednjih preduzeća i samostalnih preduzetnika kako bi se poboljšao pristup kreditima, naročito za one poljoprivredne proizvođače, mala i srednja preduzeća i samostalne preduzetnika kojima nedostaju kvalitetni instrumenti osiguranja (kvalitetan kolateral, garancija itd.) povrata kredita;
- b) pružati stručnu pomoć Vladi Brčko distrikta BiH i institucijama nadležnim za implementaciju razvojnih planova i programa u vezi sa razvojem malih i srednjih preduzeća, samostalnih preduzetnika i poljoprivredne proizvodnje,
- c) privlačenje novih sredstava u Brčko distrikt BiH, povećanje konkurentnosti koja će imati pozitivan uticaj u smislu kvalitetnog pristupa kreditima za stanovništvo Brčko distrikta BiH, što će doprinjeti povećanom razvoju;
- d) implementacija razvojnih projekata i programa koji se finansiraju iz međunarodnih fondova na području Brčko distrikta BiH.

VI – IZVORI FINANSIRANJA I RASPORED FINANSIJSKOG REZULTATA

Član 9.

(1) “RGFBD” će se finansirati iz sljedećih izvora:

- a) Budžet Vlade Brčko distrikta BiH odobren od strane Skupštine Brčko distrikta BiH putem postupka usvajanja budžeta Brčko distrikta BiH,
- b) Finansijskih doprinosa od donatora,
- c) Međunarodnih donatorskih finansiranja projekata ili ugovora,

- d) Od publikacija,
- e) Prihoda od kamata na portfolio "RGFBD".

(2) U slučaju kada se u finansijskom izvještaju iskaže višak prihoda nad rashodima, isti se knjiži na neraspoređeni višak prihoda i rashoda.

(3) U slučaju kada se u finansijskom izvještaju iskaže višak rashoda nad prihodima, isti se knjiži na Potraživanja po osnovu viška rashoda, a Upravni odbor "RGFBD" u idućoj godini donosi odluku kojom se Potraživanja po osnovu viška rashoda pokrivaju na teret neraspoređenog viška prihoda i rashodima.

(4) U slučaju da je neraspoređeni višak prihoda i rashoda manji od Potraživanja po osnovu viška rashoda u izvještajnoj godini, razliku uplaćuje osnivač.

VII ORGANI „RGFBD“

Član 10.

Organi "RGFBD" su:

- Upravni odbor "RGFBD"
- Direktor "RGFBD".

1. UPRAVNI ODBOR „RGFBD“

Član 11.

(1) Upravni odbor je najviši organ upravljanja "RGFBD" koji je pravno odgovoran za organizaciju, imenovanje i razrješenje direktora, odobravanje godišnjeg plana rada i utvrđivanje politike razvoja "RGFBD"-a i druge poslove u skladu sa ovom odlukom.

(2) Upravni odbor se sastoji od pet članova i to predsjednika, zamjenika predsjednika i tri člana, sa jednakim pravom glasa.

(3) Članove Upravnog odbora imenuje i razrješava Vlada Brčko distrikta Bosne i Hercegovine.

(4) Upravni odbor se imenuje na period od četiri godine uz mogućnost ponovnog imenovanja, s tim da isti članovi ne mogu biti imenovani više od dva puta uzastopno.

(5) U Upravni odbor mogu biti imenovana najviše tri člana iz reda državnih i javnih službenika zaposlenih u organima javne uprave i institucijama Brčko distrikta Bosne i Hercegovine.

(6) U upravni odbor ne mogu biti imenovana lica iz člana 12 stav (5) Zakona o pravnim licima koje osniva Brčko distrikt BiH.

(7) U slučaju prestanka članstva u Upravnom odboru jednog od članova, mandat novoizabranog člana, traje do isteka mandata svih ostalih članova Upravnog odbora.

(8) Članovi Upravnog odbora mogu biti razriješeni i prije isteka mandata na koji su imenovani, na način i pod uslovima kako je to definisano odredbama Zakona.

(9) Član Upravnog odbora ne može imati manju kvalifikaciju niti radno iskustvo propisano za direktora „RGFBD-a“.

(10) Zaposleni u “RGFBD” ne mogu biti imenovani u Upravni odbor.

Član 12.

Upravni odbor nadležan je za:

- a) nadzor i kontrolu vođenja „RGFBD“ i rada direktora;
- b) donošenje statuta RGFBD;
- c) odlučivanje o imenovanju i razrješenju direktora „RGFBD-a“;
- d) donošenje drugih opštih i pojedinačnih pravnih akata „RGFBD“;
- e) odobravanje razvojnih projekata uz saglasnost Vlade Brčko distrikta Bosne i Hercegovine;
- f) usvajanje pravila o postupku i načinu odobravanja razvojnih projekata, uz saglasnost Vlade Brčko distrikta Bosne i Hercegovine;
- g) donošenje odluke o načinu, kriterijumima i izboru komercijalne banke (banki) u kojoj će „RGFBD“ deponovati svoja sredstva u iznosu od 300.000,00 KM, odobrena budžetom Brčko distrikta Bosne i Hercegovine za davanje garancija u ruralnom sektoru;
- h) donošenje odluke o načinu, kriterijumima i izboru komercijalnih banaka u kojima će „RGFBD“ deponovati svoja sredstva u iznosu od 1.000.000,00 KM, odobrena budžetom Brčko distrikta Bosne i Hercegovine za davanje garancija malim i srednjim preduzećima i samostalnim preduzetnicima;
- i) donošenje odluke kojom se definiše način, postupak i uslovi sprovođenja konkursne procedure za izbor i imenovanje kandidata na poziciju direktora „RGFBD“;
- j) zaključuje ugovor sa direktorom „RGFBD“;
- k) usvajanje programa rada i plana razvoja „RGFBD“;
- l) donošenje odluka po programima subvencionisanja;
- m) odobravanje kreditnih garancija te odobravanje pravila procedura koje se odnose na kreditne garancije;
- n) odlučivanje o unutrašnjoj organizaciji „RGFBD a“ u skladu sa odredbama Zakona;
- o) praćenje i kontrola finansijskog poslovanja i usvajanje mjesečnih, kvartalnih i godišnjih finansijskih izvještaja i godišnjeg budžeta;
- p) usvajanje godišnjih i projektnih poslovnih planova „RGFBD-a“;
- q) obezbjeđivanje maksimuma transparentnosti i vidljivosti operacija „RGFBD-a“;
- r) odlučivanje o neophodnim izmjenama podstatutarnih akata „RGFBD-a“;
- s) imenovanje kreditno – garancijskog odbora za ruralne kredite i kreditno garancijskog odbora za kreditiranje malih i srednjih preduzeća i samostalnih preduzetnika;
- t) druge poslove u skladu sa odredbama Zakona i Odluke o osnivanju.

Član 13.

Predsjednik Upravnog odbora:

- a) priprema, saziva, koordinira i vodi rad Upravnog odbora,
- b) potpisuje zapisnike i odluke Upravnog odbora,
- c) promoviše „RGFBD“ i informiše javnost o radu „RGFBD“.

Član 14.

- (1) Članovi Upravnog odbora imaju pravo na naknadu za rad, iz sredstava "RGFBD", u visini određenoj odlukom Upravnog odbora "RGFBD".
- (2) Mjesečna naknada za rad članova Upravnog odbora ne može biti veća od iznosa jedne prosječne neto plate isplaćene u Brčko distriktu BiH za prethodnu godinu.
- (3) Predsjedniku Upravnog odbora mjesečna naknada za rad, iz stava 1 ovog člana, uvećava se za 20%.
- (4) Saglasnost na odluku o visini naknade članovima Upravnog odbora daje Vlada Brčko distrikta BiH.

1.2. ZASJEDANJE I ODLUČIVANJE UPRAVNOG ODBORA

Član 15.

- (1) Upravni odbor donosi odluke na sjednicama.
- (2) Upravni odbor se mora sastajati najmanje jednom mjesečno.
- (3) Predsjednik Upravnog odbora saziva sjednicu i predsjedava istom.
- (4) U slučaju odsutnosti ili spriječenosti predsjednika, dužnost predsjednika obavlja zamjenik predsjednika.
- (5) Po potrebi vanrednu sjednicu Upravnog odbora može sazvati direktor ili Upravni odbor na pismeni zahtjev najmanje dva člana Upravnog odbora.
- (6) Upravni odbor najmanje dva puta godišnje izvještava Vladu Brčko distrikta Bosne i Hercegovine o svom radu.
- (7) Sjednice Upravnog odbora održavaju se po isteku radnog vremena članova Upravnog odbora – zaposlenika Vlade Brčko distrikta BiH.

Član 16.

- (1) Predsjednik Upravnog odbora dostavlja poziv za sjednicu članovima Upravnog odbora najmanje dva (2) dana prije održavanja sjednice.
- (2) Poziv sadrži datum, mjesto i vrijeme održavanja sjednice i predloženi dnevni red.
- (3) Uz poziv se dostavlja materijal potreban za raspravljanje o tačkama predloženog dnevnog reda.

Član 17.

- (1) Za donošenje odluka na sjednicama Upravnog odbora, sjednici moraju prisustvovati najmanje 3 člana.
- (2) Na početku sjednice predsjednik Upravnog odbora predlaže dnevni red.
- (3) Svaki član Upravnog odbora može da predloži izmjene i dopune predloženog dnevnog reda.
- (4) Dnevni red usvajaju članovi Upravnog odbora i raspravljaju o svim tačkama usvojenog dnevnog reda.
- (5) Upravni odbor donosi odluke većinom glasova od ukupnog broja prisutnih članova Upravnog odbora.
- (6) Glasanje na sjednici je javno.
- (7) Odluke potpisuje predsjednik Upravnog odbora.
- (8) Član Upravnog odbora koji se ne slaže sa odlukom većine može, na vlastiti zahtjev, tražiti da se njegovo mišljenje izdvoji i zapisnički konstatuje.
- (9) Ako član Upravnog odbora nije u mogućnosti da prisustvuje sjednici dužan je o tome obavijestiti predsjednika, najmanje 24 časa prije održavanja sjednice.
- (10) Direktor „RGFBD-a“ prisustvuje sjednicama i podnosi izvještaj, ali nema pravo glasa.

Član 18.

- (1) Predsjednik Upravnog odbora će obezbjediti vođenje zapisnika o radu na sjednici Upravnog odbora.
- (2) Zapisnik sadrži osnovne podatke o raspravi na sjednici, rezultatima glasanja i usvojenim odlukama.
- (3) Zapisnik potpisuju predsjednik Upravnog odbora i zapisničar.
- (4) Članovi Upravnog odbora imaju pravo na ispravku zapisnika ili stavljanja primjedbi na isti.
- (5) Uz zapisnik se prilažu pismeni prijedlozi i izvještaji podneseni Upravnom odboru.

2. DIREKTOR „RGFBD“

Član 19.

- (1) Direktor organizuje i vodi poslovanje “RGFBD”.
- (2) Direktor ne može biti osnivač, zaposleni ili zastupnik drugog pravnog lica.

(3) Mandat direktora traje četiri godine, uz mogućnost ponovnog imenovanja, s tim što isto lice ne može biti imenovano više od dva puta uzastopno.

(4) Direktor može biti razriješen dužnosti i prije isteka vremena na koje je imenovan, na način i pod uslovima kako je to definisano odredbama Zakona.

(5) U slučaju iz prethodnog stava, Upravni odbor može imenovati višiočla dužnosti direktora, uz prethodnu saglasnost gradonačelnika Brčko distrikta Bosne i Hercegovine, do imenovanja novog direktora "RGFBD".

(6) Direktor može u okviru svojih ovlaštenja dati drugom licu pismenu punomoć za zastupanje "RGFBD", uz saglasnost Upravnog odbora.

(7) Direktor je dužan svoje obaveze i odgovornosti izvršavati profesionalno i savjesno, u skladu sa zakonom, Osnivačkim aktom "RGFBD", Statutom "RGFBD", odlukama Upravnog odbora i ugovorom zaključenim sa Upravnim odborom.

(8) Direktor „RGFBD“ na osnovu iskazanih potreba, uz saglasnost Upravnog odbora, može oformiti savjetodavne odbore s ciljem efektivnije implementacije funkcije „RGFBD-a“.

(9) Direktor će biti odgovoran upravnom odboru ukoliko vodi „RGFBD“ u suprotnosti sa politikom, strategijom, preporukama ili poslovnim planom, kao i drugih zaduženja koji će se detaljno definisati.

(10) U roku od mjesec dana od dana upisa u registar kod nadležnog suda će predložiti raspored pravila i instrukciju za administraciju „RGFBD“-a.

Član 20.

Nadležnosti i obim ovlaštenja direktora:

- a) predstavlja i zastupa "RGFBD",
- b) odgovora za zakonitost rada "RGFBD",
- c) zaključuje ugovore,
- d) potpisuje kreditne garancije, uz potpis predsjednika Upravnog odbora,
- e) vrši analizu zahtjeva za davanje kreditnih garancija, a koja podrazumijeva kontrolu formalno-pravne ispravnosti zahtjeva i kontrolu kreditne istorije klijenta za kojeg je podnesen zahtjev,
- f) predlaže Upravnom odboru odobravanje ili ne odobravanje zahtjeva za davanje kreditnih garancija, u iznosu do 15.000,00 KM, uz obrazloženje prijedloga,
- g) samostalno raspolaze sredstvima predviđenim za tekuće troškove "RGFBD" u iznosu do 500,00 KM,
- h) raspolaze sredstvima "RGFBD" u iznosu višem od 500,00 KM, uz potpis jednog člana Upravnog odbora, izuzev računa koji se odnose na režijske troškove, plate zaposlenih i naknade članovima Upravnog odbora,
- i) predlaže program rada i preduzima mjere za njegovo sprovođenje,
- j) priprema kvartalne finansijske izvještaje i godišnji izvještaj o radu i prezentuje iste Upravnom odboru,
- k) izvršava odluke Upravnog odbora,

- l) vrši analize zahtjeva po programima subvencioniranja i predlaže odluke Upravnom odboru,
- m) izvještava Vladu Brčko distrikta o sprovođenju programima koje Vlada odobri,
- n) obavlja i druge poslove u skladu sa Zakonom.

Član 21.

(1) Radi realizacije ciljeva „RGFBD“, u okviru „RGFBD“ formirana je Jedinica za implementaciju projekata koji se finansiraju iz međunarodnih fondova.

(2) Odluku o uspostavljanju Jedinice iz stava (1) ovog člana donio je Upravni odbor „RGFBD“ na prijedlog Direktora „RGFBD“ uz prethodnu saglasnost Vlade Brčko distrikta BiH.

(3) Nadležnosti jedinice iz stava (1) ovog člana, kao i obaveze i prava angažovanih lica, regulisani su Pravilnikom o nadležnostima, pravima i obavezama zaposlenih u Jedinici za implementaciju projekata koji se finansiraju iz međunarodnih fondova Razvojno – garantnog fonda Brčko distrikta BiH koji donosi Upravi odbor “RGFBD” uz saglasnost Vlade Brčko distrikta BiH.

VIII – OPŠTI AKTI „RGFBD“

Član 22.

Opšti akti “RGFBD” su:

- Statut,
- pravilnici
- odluke Upravnog odbora kojim se na opšti način uređuju određena pitanja ili odnosi u “RGFBD”,
- drugi opšti akti.

Član 23.

Statut donosi Upravni odbor “RGFBD”, većinom glasova od ukupnog broja članova Upravnog odbora, a potpisuje predsjednik Upravnog odbora uz prethodnu saglasnost Vlade Brčko distrikta.

Član 24.

Izmjene i dopune ovoga Statuta se donose na način propisan za njegovo donošenje.

Član 25.

(1) Prije usvajanja pravilnika, kao i njihove izmjene i dopune, koji regulišu: plate, naknade, minuli rad, topli obrok, dnevnice i druga primanja, potrebno je pribaviti prethodnu saglasnost Vlade Brčko distrikta BiH.

(2) Opšti akti stupaju na snagu narednog dana nakon njihovog objavljivanja, osim Pravilnika o radu koji stupa na snagu osmog dana od dana objavljivanja.

(3) Objavljivanje opštih akata vrši se na Web stranici „RGFBD“ i na oglasnoj tabli u sjedištu „RGFBD“.

(4) Izuzetno, od odredaba prethodnog stava, pojedini opšti akti mogu stupiti na snagu danom donošenja, ako priroda pitanja koje se uređuje ili hitnost rješavanja određenog pitanja to zahtjeva.

IX – PRESTANAK RADA RGFBD

Član 26.

“RGFBD” prestaje sa radom u skladu sa zakonom i Statutom i to:

1. odlukom osnivača “RGFBD”,
2. odlukom Upravnog odbora, ako su prestali uslovi za obavljanje djelatnosti, uz prethodnu saglasnost osnivača “RGFBD”.

X – JAVNOST RADA RGFBD

Član 27.

(1) Upravni odbor podnosi osnivaču “RGFBD” godišnji izvještaj o radu “RGFBD”.

(2) Upravni odbor podnosi osnivaču godišnji plan rada “RGFBD”, najkasnije do kraja prvog kvartala kalendarske godine za koju se usvaja.

(3) “RGFBD” i/ili osnivač “RGFBD” daju javna saopštenja o pitanjima koja se odnose na funkcionisanje “RGFBD”.

XI – ARHIVA

Član 28.

Čuvanje dokumentacije koja nastaje u radu “RGFBD”, uključujući zapisnike Upravnog odbora, evidencije o prisustvu i glasanju, obavještenja i pozive za sjednicu Upravnog odbora, bit će regulisano Pravilnikom o kancelarijskom i arhivskom poslovanju Razvojno-garantnog fonda Brčko distrikta BiH.

XII – ZAVRŠNE ODREDBE

Član 29.

Donošenjem ovog Statuta stavlja se van snage Statut Razvojno – garantnog fonda Brčko distrikta BiH, broj: 105/10 od 3. 8. 2010. godine, broj: 235-2/12 od 19. 10. 2012. godine, broj: 110-3/18-

015-1/19 od 15. 1. 2019. godine, broj: 116-1/19 od 4. 7. 2019. godine, broj: 078-1/21 od 11. 3. 2021. godine, broj: 215-4/21 od 14. 10. 2021. godine i broj: 113-1/24 od 16. 5. 2024. godine.

Broj: 200/24
Brčko, 15. 8. 2024. godine



Predsjednik Upravnog odbora:

Mumka Grabus
Mumka Grabus, prof.